



**W**ir Rudolff der Ander von Gottes genaden/Erwölter Römischer Kayser/

zu allen zeitten mehrer des Reichs / in Germanien / zu Hungern vnd Behaimb/2c. König/Erzhertzog zu Osterreich/ Herzog zu Burgundi/ Steyr/ Kärndten/ Crain vnd Wirtemberg/in Ober vnnnd Nider Schlesien/Marggrau zu Märhern/ in Ober vnnnd Nider Lausnitz/ Graffe zu Tyrol/2c. Embieten den Ehrwürdigen / Geislichen/ Audechtigen/ vnd Vnsern lieben getrewen/ N. Vnsere Bischoffen / Prelaten/ Grauen/Freyhern/ Herrn/Rittern/Knechten/LandMarschalchen/Verwesern/Biszdomben/Pfandschafftern / Kauffern auff Widerkauff/ Pflegern/Ambtleuthen/ Burgermaistern/Richtern/Räthen/Burgern/Gemainden/ vnd sonst allen andern Vnderthanen/ Geislichen vnd Wellichen/in was Würden/ Standt oder Vsesen die allenthalben in disem Vnsere Erzhertzogthumb Osterreich Vnder der Enns gefessen seyn/ Vnsere Gnad vnd alles guets. Vnd geben Euch zuuernemen/ daß Wir Vns zwar zuerindern / welcher massen Ihr Vnsere getrewe Landtstände dises Erzhertzogthumbs Osterreich Vnder der Enns / auff Vnsere gnedigstes begeren/ in negst gehaltenem Landtag / disß Sechszehenhundert vnd Andern Jahrs / wider den Erbfeindt Christlichen Namens/ Ewere gehorsame Bewilligung allberait gethan: Darbey Wir Euch auch vorderist gern gelassen hetten. So aber die zeit herumb sich begeben/ daß der Feindt wider alles verhoffen/ in disem Jahr fruer/dann andermal beschehen/ vnd so zeitlichen in das Veldt/ mit aller seiner Macht komen/ daß Er Vnsere Christliches Heer anteuertiert/ Weissenburg entzwischen vmbbringt/ vnd bey so Continuerter Belegung/ vnd starcken vnauffhörlichen zusehen diselbige in sein Gewaltsame gebracht/ vnd numehr Graan vnnnd andere vmbbligunde Häuser vnd Bestungen anzugreifen/ wie auch durch ainem Straiff disß Vnsere geliebte Vatterlandt/ mit Brandt/ Raub vnnnd Mord/ zuuerheeren vnnnd zuuerderben sich entschlossen / Auff welchen Fall noch vorhero der Durchlechtig Hochgebom Matthias Erzhertzog zu Osterreich/ Herzog zu Burgundi/ Steyr/ Kärndten/ Crain vnd Wirtemberg/ Graue zu Habsburg vnd Tyrol/2c. Vnsere freundlicher lieber Brueder vnd Fürst/ die Mittel vnd Weeg gesuecht/ wie solchem seinem bluetdürstigen beginnen / durch verlenhung Götlicher Gnaden/ vnd Vnsere getrewen gehorsamen Stände zusammen setzen/ Mannlichen gewehrt/ denselben gnuessamen Widerstandt erzaiget/ vnd hierdurch allem Vnhail/ welches sonst gemainem Vatterlandt darauff beruhet/ sovil sich in diser Eyl vnd Zeit thuen lasset/ gesteuert/ auch das so Wir noch haben/ von seiner grossen Tyrannen vnd Dienßbarkeit geschüzet vnd erretet werden köndt. Weilen dann auff Sein Erzhertzogs Lieb jüngst Erforderung die Verordneten gemainer Landtschafft vnd andere in Wienn ankommene vnd antwesende Landtleuth/ Vns zur schuldigen Gehorsamb/ gemainem Vatterlandt zur Hülf/ vnd Ihrer im Christlichen Veldeläger habenden lieben Mitglieder zu sonderem Trost/ sich dahin verglichen vnd bewilliget/ daß das Auffboch auff den Drenßigisten Mann in allen vier Vierteln dises Landts ergehen solle / Inmassen auch die Musterung desselben alsbalden jeder Obrigkeit zuthuen/ ist anuerläst vnnnd beuohlen worden/ welche vnzweyffentlichen numehr fürüber. So wollen Wir hie mit auß Landtsfürslicher Macht vnd Gewalt/ Euch allen vnd jeden/ bey denen Pflichten / damit Ihr Gott dem Allmechtigen vnd Vns als Ewrem Herrn vnd Landtsfürsten verbunden/ erßtlichen auffgemahnt vnd beuohlen haben / daß Ihr ohn alle Entschuldigung oder Verwaigerung / deren Wir kaine anzunehmen gedacht/ jekt gemeldten Drenßigisten Mann/ der Defension Ordnung gemäß/ wolbewehret zu Fuß neben seiner zu ain solchem Ernst gebührenden Oberwehrt die er gebrauchen kan / mit Zehung/ Profiande/ Kraut vnd Loth/ oder da vnder denen Haus gefessenen kaine taugliche verhanden/ ain andere darzu qualificierte Person/ außstaffieret/ vnnnd dieselben/ Ihr die im Viertel ob: vnnnd vnder Wiener Waldts/gen Prug/ Die andern zway Viertel aber/ ob: vnd vnder Manhartsberg / gen Marcheg / allda sie ihre Obristen/ Haupt: vnd Befelchsleuth finden werden / auff den neunzehendten dits Monats gewißlichen stellet/ auff daß sie an ohrt vnd endt man derselben bedürffig/ weiter vnuerlengt/ alsbaldt fortgeführt werden können/ Wie dann ain jede Obrigkeit/ wievil vnd wie hoch besoldt sie jeden schieket/ mit derselben Zauff: vnd Zunamen/ bey Straff anzaigen solle / vnd Wir solchen Drenßigisten Mann lenger nit/ dan Wir desselben bedürffig/ auffhalten/ vnd ehist widerumben/ so bald dise Feindes Noth auffhöret/ nach Haus erlauben wollen / Inmittels aber solle kainer/ ohne Sein Erzhertzogs Lieb oder Vnsere nachgesetzten Obristen vnd Beuelchsleuthe Licenz/ für sich selbs/ nach der Haimet trachten / Dann welcher disem zuwider abtrünnig sich erzaiigen würde / der solle hierüber nach gelegenhait/ an Ehr/ Leib vnnnd Gut gestrafft / die gehorsamen vnnnd behärigen aber/ mit allen Gnaden jederzeit bedacht werden. An disem allem würdet Ewere eigens vnd gemaines Vatterlandts Volsahrt befördert / vnnnd Wir wollen es auch mit Kayserlichen Gnaden erkennen/ Ihr erstattet auch hieran Vnsere gnedigsten / auch endelichen Willen vnnnd Maining. Geben in Vnsere Stadt Wienn/ den Vierdten Tag des Monats Septembris/ Anno/ Im Sechszehenhundert vnd Andern/ Vnsere Reichs des Römischen im Sibenzwainzigisten/ des Hungerschen im Drenßigisten/ vnd des Behaimischen auch im Sibenzwainzigisten

*Ernst der bey Wien  
Erzhertzog  
S: J. J. J. J. J. J.  
Kaiser*



*Commissio Domini Electi  
Imperatoris in Consilio.*

*[Handwritten signature]*  
*Vind. N. J. J. J. J.*

*Handwritten notes in the left margin, including a large flourish and the word "amag".*

*Commissio Domini Electi  
Superatores in Consilio*

*Generale.  
Loui Rayon Rudolpho Jani auctore  
N. 1600.  
Lutbessen Erziehungsmann in allen  
Wissenschaften und Sprachen  
N. 1659.  
1776.*

*H.B.  
55.  
Rud. II.*

*ad Jahr 4. Septemb. 1602. 20520/24*

*E-364543*



*DS-2020-5985*

*002275*